

Y WINLLAN WEN a roed i'n gofal ni

Arnom ni heddiw y gorffwys y cyfrifoldeb am warchod a chynnal etifeddiaeth yr amgylchedd. Hyrwyddo gofal o'r Winllan Wen ymhlith yr ifanc yw pwrpas y Gymdeithas, trwy gynorthwyo athrawon i gyfleu ymwybyddiaeth o gynanaladwyedd. Yn ôl y Canllawiau Datblygiad Cynaliadwy a gyhoeddwyd yn ddiweddar, "Mae'r ifanc yn haeddu ... deall y materion hanfodol sy'n wynebu'r blaned a gwybod sut y gallant chwarae rhan personol wrth helpu llunio'r dyfodol."



Dyffryn Dysynni trwy hen borth yng Nghastell y Bere.

*Dewisais y llun hwn
am ei fod yn cyfleu
hanfod y neges yn
berffaith: cynnal y
presennol tra'n
ymdrechu i
ddiogelu'r hyn a
etifeddwyd o'r
gorffennol i'r
cenedlaethau i ddod.*

Yn ôl y ddameg, anfonodd yr Arglwydd weithwyr i'w winllan, a dyletswydd ysgolion yw hyfforddi'r ifanc i weithio er lles y blaned fach odidog a ymddiriedwyd i'n gofal. Dyna pam fod cymaint o gynnwys y gwerifyn hwn ar thema gwarchod a chynnal. Rhaid cofio hefyd fod athro'n aml yn ei gael ei hun yn llafurio'n annisgwyl mewn maes anghyfarwydd. Gobeithiwn fod llawer o erthyglau *Gwaith Maes* o fudd, nid yn unig i arbenigwyr a chynlluniau gwaith strwythuredig, ond hefyd i Miss Jones Cerddoriaeth yn wynebu dysgu dosbarth Mr. Davies Bioleg am wers ddwbl ar brynhawn dydd Gwener!



Dan nawdd Asiantiaeth yr Amgylchedd.

**Rhifyn Nesaf
Tachwedd 2003**

Meira Shakespear

Cyfrifoldeb athrawon yw asesu peryglon unrhyw weithgaredd neu ymweliad.